



**Regula Sancti Patris Benedicti**

**Benedikt <Montecassino, Abt, Heiliger>**

**Moguntiae, 1604**

XXXV. De septimanariis coquinæ.

---

[urn:nbn:de:hbz:466:1-64533](https://nbn-resolving.de/urn:nbn:de:hbz:466:1-64533)

rit per mensem stet degradatus post omnes professos.  
& hoc nisi intra triduum Superiori Monasterij no-  
tificauerit.

*Si omnes aequaliter debeant necessaria accipere.*

C A P . XXXIV .

A D O R . 4 .

**S**icut scriptum est : Diuidebatur singulis  
prout cuique opus erat, vbi non dicimus  
ut personarum, quod absit, acceptio sit, sed  
infirmatum consideratio. Vbi qui minus  
indiget agat Deo gratias, non contristetur  
Qui vero plus indiget humilietur pro infi-  
mitate, & non extollatur pro misericordia  
& ita omnia membra erunt in pace. Ante o-  
mnia ne murmurationis malum pro qual-  
cunque causa in aliquo qualcunque verbo  
vel significatione appareat. Quod si cōpra-  
hensus fuerit quis, distictiori discipline sub-  
datur.

*De septimanarijs coquinæ. C A P . XXXV .*

**F**ratres sic sibi inuicem seruant, ut nul-  
lus excusetur a coquinæ officio, nisi a  
egritudine, aut in causa graui's utilitatis qui  
occupatus fuerit : quia exinde maior mero  
& charitas acquiritur. Imbecillibus auto-  
procurentur solatia, vt non cum tristitia hu-  
modum congregationis aut positionem lo-  
Si maior congregatio fuerit, cellararius e-

cus

cusetur à coquina, vel si qui, ut diximus, maioribus utilitatibus occupantur. Cæteri verò sibi sub charitate inuicem seruant. Egressurus de septimana, sabbato munditas faciat. Lintea, cū quibus sibi fratres manus aut pedes tergunt, lauet. Pedes verò tam ipse qui egreditur, quam ille qui intraturus est, omnibus lauent. Vasa ministerii sui, munda & sana cellaria reconsignent. Qui cellararius item intranti consignet: ut sciat quid dat, aut quid recipit. Septimanarii autem, ante vnam horam refractionis, accipiunt super statutā annonam singulos biberes, & panem: ut hora refractionis sine murmuratione & graui labore seruant fratribus suis. In diebus autem solennibus usque ad Missas sustineant. Intrantes & exeuntes h̄bdomadarii, in oratorio inox Matutinis finitis Dominica, omnibus genibus prouoluantur, postulantes pro se orati. Egredientes autem de septimana dicant hunc versum. Benedictus es Domine Deus, qui adiuuisti me, & consolatus es me. Quo dicto tertio, accipiat benedictionem egrediēs. Subsequatur ingrediens, & dicat. Deus, in adiutorium meum intende: Domine ad adiuandum me festina. Ethoc idem tertio repetatur ab omnibus, & accepta benedictione, ingrediatur.

I. ( N V L V S E X C V S E T V R . ) Ergo nec Prior Claustralis, maximè cum Prælatus erit in Monasterio: excepto Cellario de quo infra in eodem capitulo. Qui Prior ad mensam quoque etiam absente Prælato legere & seruire debet.

I. ( SIN-

1. (SINGULOS BIBERES, ET PANEM.)  
Infra, de hebdomadario Lectore dicit Mixtum,  
quod intelligimus tatum vini quantum capere po-  
test unus scyphus, cum quo in Refectorio bibitur,  
& circa uncias duas panis.

2. Quod verò dicitur de hebdomadariis Coquine,  
idem dicitur de omnibus officialibus, qui in suis of-  
ficiis occupati, nequeunt prima mensa interessere. In  
Ieiuniis verò de praecepto, fieri potest cum licentia  
Superioris Monasterij.

3. (PROVOLVATVR.) Declaramus quode-  
grediens de septimana, Dominico die finito Matu-  
tino, stet genibus flexis ante altare, & dicat ter  
versum: Benedictus es Demine Deus, &c. quo tertio  
Choro repetito: Superior dicat Versus, Saluum fa-  
seruum tuum, sicuti in talium ceremoniarum par-  
ticulari libro notatum est. Posthac statim, qui in-  
greditur dicat simili modo, ter: Deus in adiutori-  
um meum intende: Domine ad adiuuandum me  
festina, quo tertio repetito à Choro, Superior sub-  
iungat versus: Saluum fac seruum tuum, sicut no-  
tata sunt, ut supra.

De Infirmis Fratribus. CAP. XXXVI.

*Matth. 25.*

Infirmorum cura ante omnia & super o-  
mnia adhibēda est; ut sicut reuera Christo,  
ita eis seruiatur, quia ipse dixit, Infirmus fui,  
& visitasti me. Et quod fecistis uni de his mi-  
nimis meis, mihi fecistis. Sed, & ipsi infirmi  
considerent in honorem Dei sibi seruiri,  
& non superfluitate sua contristent Fratres

Iuos